

癰醫大全目錄

卷三十六

跌打部

跌打門主論附方

落下頰拿法門主論附方

人咬門主論附方

救從高墜下門主論附方

破傷風門主論附方



北京中醫藥大學圖書館藏

瘍醫大全卷三十六

光華堂梓

蕪湖顧世澄練江氏纂輯

靖錢之栢東陽

全校

男

櫟燮用和

跌打部

自跌打損傷以及人咬破傷風等證俱彙於此部中

以便檢閱參治

人
三
下
...

長
華
堂
...



跌打損傷



北京中医药大学图书馆版权所有

跌打損傷門主論

陳遠公曰有跌傷骨折必用杉木或杉板將折骨湊合端正以繩縛定勿偏斜曲再以布紫切不可因疼痛心軟少致輕鬆反爲害事後用內服藥如皮破血出須用外治藥但骨折而外邊之皮不傷即不必用外治藥然內外夾攻未嘗不更佳耳內治法宜活血去瘀爲先血不活則瘀不去瘀不去則骨不能接也續骨神丹當歸二兩大黃五錢生地敗龜版末白芍各一兩丹皮三錢桃仁三十個續

斷牛膝乳香末沒藥末紅花各二錢羊躑躅一錢
水煎服一劑瘰癧去新生骨卽合矣又二劑去夫膏
再服四劑全愈外治膏藥加末藥摻傷處爲妙全
體神膏當歸生地紅花各二兩牛膝續斷劉寄奴
地榆茜草木瓜小蘗人參川芎白朮黃芪各一兩
甘草五錢桑木枝四兩杏仁皂角柴胡荆芥各三
錢麻油三觔熬數沸以麻布濾去渣再煎滴水成
珠加入水漂過黃丹一觔四兩收爲膏勿太老再
用自然銅醋浸燒七次海螵蛸乳香花蕊石各三

錢沒藥二錢麒麟竭五錢白蠟一兩爲末乘膏未
冷投於膏中以桑木棍攪勻取起以瓦器盛之臨
時以火頓攤大約每張重一兩攤畢再入勝金丹
麝香花蕊石象皮各三錢血竭三兩乳香海螵蛸
沒藥樟腦人參木耳灰三七根兒茶各一兩古石
灰紫石英各二兩自然銅水片乾地風乾大糞琥
珀各一錢生甘草五錢土狗十個研細和勻磁瓶
密貯每膏一張用末藥三錢摻膏上貼之凡接骨
不須二個也重則二個此乃絕奇絕異之方倘骨

未損傷只貼膏藥不必用勝金丹內外治法三方
有不可形容之妙內外兼治旦夕奏功得此三方
無折骨之不救也

永鑑

丹心曰凡金瘡及折傷不可飲冷水血見寒則凝入
心卽死

蔣示吉日跌打損傷筋斷血流不止者獨勝散主之
說約

馮魯瞻曰胎前如有跌撲所傷須逐汚生新爲主佛

手散最妙腹痛加益母草服如痛止則母子俱安

若胎已損則汚物併下再加童便製香附益母草
陳皮煎濃汁飲之如從高墜下腹痛下血煩悶加
生地黄芪補以安之如因撲跌腹痛下血加參朮
陳皮白茯苓炙甘草砂仁末以保之如胎下而去
血過多昏悶欲絕脉大無力用濃厚獨參湯冲童
便服之小產本由氣血大虛今當產後益虛其虛
矣故較三產尤宜調補

素問云人有所墜墮惡血留內腹中滿脹不得前後
先飲利藥此上傷厥陰之脉不傷少陰之絡刺足

內踝之下然骨之前血脉出血刺足跗上動脉不
已刺三毛上各一痛見血則已左刺右右刺左善
悲驚不樂刺如右方

繆刺論

靈樞云有所墜墮惡血留內有所大怒氣上而不行
下積於脇下則傷肝又中風及有所擊仆若醉入
房汗出當風則傷脾又頭痛不可取於腧者有所
擊墮惡血在內若肉傷痛未已可側刺不可遠取
之也

邪氣臟腑及厥病篇

靈樞曰身有所傷血出多反中風寒若有所墜墮四

肢懈情不收名曰體情取小腹臍下之三結交陽

明太陰也臍下三寸關元也

三結交者即關元穴是也。寒熱篇

內經云肝脉搏堅而長色不青當病墮若搏因血在

脇下令人嘔逆

金匱云寸口脉浮微而澁然當亡血若汗出設不涿者其身有瘡被刀斧所傷亡血故也

脉經云從高顙撲內有血腹脹滿其脉堅强者生小

弱者死

李東垣曰夫從高墜下惡血留於內不分十二經絡

醫人俱作中風肝經留於脇下以中風療之血者
皆肝之所生惡血必歸於肝不問何經之傷必留
於脇下蓋肝主血故也痛甚則必有自汗但人人
有汗出皆屬風證諸風皆屬於肝木況敗血凝泣
逆其所屬入於肝也從高墜下逆其上行之血氣
非肝而何非傷寒無汗旣曰汗必自風化之也故
以破血行經藥治之凡寒涼之劑不可輕用

醫學
發明

論

劉宗厚曰打撲金刃損傷是不因氣動而病生於外

外受有形之物所傷乃血肉筋骨受病非如六淫
七情爲病有在氣在血之分也所以損傷一證專
從血論但須分其有瘀血停積而亡血過多之證
蓋打撲墮墜皮不破而內損者必有瘀血若金刃
傷皮出血或致亡血過多二者不可同法而治有
瘀血者宜攻利之若亡血者兼補而行之又察其
所傷有上下輕重深淺之異經絡氣血多少之殊
唯宜先逐瘀血通經絡和血止痛然後調氣養血
補益胃氣無不效也

脉經云金刃跌撲脉病不相應者死

戴院使云仆踣不知曰攣兩手相搏曰撲其爲損一也

又曰大法固以血之瘀失分虛實而爲補瀉亦當看損傷之輕重輕者頓挫氣血凝滯作痛此當導氣行血而已重者傷筋折骨此當續筋接骨非調治三四月不得平復更甚者氣血內停沮塞真氣不得行者必死急瀉其血通其滯亦或有可治者焉傷損論曰夫傷損必須求其源看其病之輕重審其

損之淺深凡人一身之間自頂至足有所傷打傷
跌傷及諸刃傷者皆有之凡此數症各有其說有
當先表裏而後服損藥者爲醫者當循其理治之
然醫者意也不知意者非良醫也或者稟性愚昧
不能觀其證之輕重明其損之淺深未經表裏通
利先服損藥誤人多矣有因此痰涎上攻有因此
大小臟腑閉結差之毫釐謬以千里所謂醫不三
世不服其藥信哉

凡腦骨傷破不可見風着水恐成破傷風候

凡腦骨傷碎在硬處可治若傷在太陽穴不可治
如傷在髮際須剪剃去髮看皮破不破好用藥敷
凡腦兩角及後枕或兩眉有傷可治眼睛傷瞳神不
碎可治

頭頂心有損則難治

凡鼻兩孔傷凹者可治血出無妨

齒破傷動者用蒺藜根燒存性爲末常揩搽之卽牢
結喉傷重輒喉斷不可治以湯與之得入腸者可治
若並出者不可治



凡手脚骨只一邊斷則可治若兩手脚骨皆斷者不可治

肚上被傷肚皮俱破腸出在外只腸全斷難醫傷破而不斷者皆可治療

凡腸出可令病人手搭在醫人肩隨其左右收起以麻油潤瘡口整入腹却以通關散吹鼻打噴嚏令腸自入用桑白皮線同皮內縫合後以封口藥塗傷處外以補肌散用雞子清調勻敷貼

若腸上有小損孔以燈火照之腸中有氣射燈不可